



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1431. usque ad annum 1441

Fleury, Claude

August. Vind. [u.a.], 1768

VD18 90118316

§. 30. De verbis consecrationis.

[urn:nbn:de:hbz:466:1-66426](https://nbn-resolving.org/urn:nbn:de:hbz:466:1-66426)

Sæcul. XV. A.C. 1430. tea propositis, & in prima consultatione quæstio de pane azymo agitari cæpit. Joanne de Turre-cremata hoc super articulo perorante, ac plurimo rationum apparatu comprobante, non minus validum esse consecrare panem azymum, quam fermentatum; imo in hac rei controversia consultius esse, Latinorum consuetudinem sequi, eoquod Christus Dominus in institutione Sacramenti Corporis sui duntaxat azymum adhibuisset panem, quod ipse pluribus testimoniis et sacro Evangelio petitis ostendit. Græci in eandem sententiam abeuntes consecrunt, ut sive panis azymi, sive fermentati æqualis usus esset, dummodo alia consecratio fieret in pane ex tritici granis cocto, nec non a Sacerdote rite ordinato, simulque in loco solemniter consecrato.

§. XXX.

De verbis consecrationis.

Ibid p. 1153. Joannes Turre-cremata in secundo suo sermone ex Patrum testimoniis, validisque rationum momentis docuit, quod per sola Christi Domini verba admirabilis illa substantiæ panis & vini transmutatio in corpus ac sanguinem Christi efficiatur; Nuntiatum enim erat Pontifici, hanc apud Græcos invaluisse sententiam

tiam, quod Eucharistici Sacramenti forma non solum sint illa Christi Domini verba, sed etiam preces illæ, quæ pro invocatione Spiritus Sancti a Sacerdote in Lithurgia recitari solent. Verum Rus- siæ Metropolita professus est, Græcam Ecclesiam in hoc articulo a Latinis nequaquam dissentire, sed ipsam quoque credere, quod sancta divini sacrificii mysteria per sola Christi Domini verba conficiantur.

Sæcul. XV.
A.C. 1439.

§. XXXI.

De Purgatorio.

Controversam de Purgatorio quæstionem quod attinet, censuerunt Græci, omnino standum esse illis, quæ jamjam Ferrariæ, antequam Synodi Sessiones fierent, in privatis conventibus agitata, atque conclusa fuissent. Itaque de hoc piaculari carcere fidem suam sic expressere Græci: *Sanctorum animas perfectas in cælis adeptas esse coronam, quatenus animæ sunt: Peccatorum Animas perfecte lueræ pœnas; Medias autem esse in loco tormentorum credimus, sed sive ignis sit, sive caligo ac turbo, sive quid aliud, non contendimus. Nihilominus in die judicii omnes homines ante tribunal Christi cum suis corporibus comparebunt, reddituri de factis propriis rationem.*

Ibid. p. 1231.

F f 5

§. XXXII.